

INUIT ATAQATIGIIT

Inatsisartuni



1.februar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Innarluutilinnut sullissivimmut paasissutissanik katersinermi Naalakkersuisut periutsinik, suleriutsinik takorluukkanillu periuseqarpat?**
- 2. Qaqortumi Tungujortuaqqami Ilulissanilu Specialcenterimi ilinniartitsisut ilisimasaasa atornissaannut Naalakkersuisut pilersaaruteqarpat?**
- 3. Annertusisamik immikkut ilinniartitsinermi / suliffeqarfinni taakkunani marlunni atuartitsinermik neqeroorutigineqartunik katersissallutik, uppersaasarsuissallutik ineriartortitseqqissallutillu Naalakkersuisut takorluugaqarpat?**
- 4. Innarluutilinnik sullissiviup pineqartoq pillugu siunissami sulissuteqarnissaanik Naalakkersuisut qanoq naatsorsuuteqarpat?**

(Inatsisartunut ilaasortaq Debora Kleist, Inuit Ataqatigiit)

Tunggavilersuut:

Maanna nuna tamakkerlugu Innarluutilinnut nutaamik sullissiveqalernitsinni, IPIS-illu tassani ilanngunnissaani taamattaarlu ilitsersuisuunissaani, innarluutilinnut kiisalu taakku qanigisaannut pisinnaatitaaffinnik paasititsiniaasarnissaanik, pikkorissaasarnissaani, ilisimasani katersisarnissaani il.il., soqutiginarpoq paasissallugu ilisimasat katersornerannik suliaqarnermi kiisalu taakku ingerlateqqinneranni qanoq periusissanut pilersaaruteqartoqarnersoq. Nalunngisatsitut Qaqortumi Tungujortuaraq annertuumik innarluutilinnik atuortoqarpoq, Ilulissanilu Specialcenteri ineriartornermikkut kinguarsimasunik atuortuuteqarluni. Taakku marluk tamarmik nunatsinnit tamaneersunit atuortoqarput. Taamaaliornikkut meeqqat innarluutillit atuartinneqartarnerat pillugu ilisimasani ineriartortitsineq qulakkeerneqartarpoq, siaruarterneqarluni ineriartorteqqinneqarlunilu, taamaammallu Innarluutilinnik sullissivimmik pilersitsinermut atatillugu taakku qulaajaavigineqarnissaat pissusissamisoortippara.

Apeqqutimma ullut suliffiusut qulit ingerlaneranni akineqarnissai qinnutigaara.